



Broj/Број: 01/2a-50-1-2-32/08
Sarajevo/Сарајево, 13.10.2008.godine

ZAPISNIK

32. sjednice Komisije za vanjske poslove Predstavničkog doma Parlamentarne skupštine Bosne i Hercegovine, održane 07.10. 2008.

Sjednica Komisije za vanjske poslove je prvobitno bila zakazana za 23.09. ali je odgođena zbog nedostatka kvoruma za 06.10. 2008.godine i opet odgođena zbog nedostatka kvoruma za 07.10. 2008.godine.

Sjednica Komisije je počela u 9,15 sati. Sjednici su prisustvovali članovi Komisije: Slavko Matić, Azra Hadžiahmetović, Milorad Živković, Milica Marković, Husein Nanić i Denis Bećirević.

Sjednici nisu prisustvovali Azra Alajbegović i Sadik Ahmetović koji su opravdali svoje odsustvo i Sefer Halilović.

Osim članova Komisije sjednici su prisustvovali i predstavnici resornih ministarstava: Janja Kožul ispred Ministarstva sigurnosti BiH, Emir Mehmedović ispred Ministarstva pravde BiH i Šerifa Godinjak ispred Ministarstva civilnih poslova BiH.

Zapisnik je vodio Miroslav Stanišić stručni saradnik u Komisiji za vanjske poslove.

Na početku sjednice predsjedavajući Slavko Matić je konstatovao da postoji kvorum za rad i pozdravio članove Komisije kao i predstavnike resornih ministarstava.

Predsjedavajući Slavko Matić je na početku upoznao članove Komisije sa prvobitno predloženim dnevnim redom i sa dva nova sporazuma koja su naknadno uvrštena u dnevni red.

Nije bilo rasprave niti novih prijedloga i članovi Komisije su jednoglasno usvojili sljedeći

DNEVNI RED

1. Usvajanje zapisnika sa 31. sjednice Komisije;
2. Davanje mišljenja o suglasnosti za ratificiranje Sporazuma između Bosne i Hercegovine i Kraljevine Danske o olakšicama kod izdavanja viza,(resorno ministarstvo: Ministarstvo sigurnosti BiH);
3. Davanje mišljenja o suglasnosti za ratificiranje Sporazuma između Bosne i Hercegovine i Kraljevine Norveške o olakšicama kod izdavanja viza,(resorno ministarstvo: Ministarstvo sigurnosti BiH);

4. Davanje mišljenja o suglasnosti za ratificiranje Konvencija o pribavljanju u inozemstvu dokaza u građanskim i trgovačkim stvarima – *Hag, 18.03.1970.godine* (resorno ministarstvo: Ministarstvo pravde BiH);
5. Davanje mišljenja o suglasnosti za ratificiranje Konvencija o dostavljanju u inozemstvu akata u građanskim i trgovačkim stvarima – *Hag, 15.11.1965. godine.* (resorno ministarstvo: Ministarstvo pravde BiH);
6. Davanje mišljenja o suglasnosti za ratificiranje Sporazuma između Bosne i Hercegovine koju predstavlja Ministarstvo civilnih poslova BiH i Komonvelta Australije koju predstavlja Ministarstvo zdravlja, vezano za određena prava korištenja AR–DRG sustava klasifikacije, (resorno ministarstvo: Ministarstvo civilnih poslova BiH);
7. Davanje mišljenja o suglasnosti za ratificiranje Sporazuma o financiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenata za pretpristupnu pomoć – *Komponenta II prekogranična suradnja*, (resorno ministarstvo: Ministarstvo financija i trezora BiH);
8. Davanje mišljenja o suglasnosti za ratificiranje Sporazuma o financiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenta za pretpristupnu pomoć – *komponenta II prekogranična suradnja*, (resorno ministarstvo: Ministarstvo financija i trezora BiH);
9. Davanje mišljenja o suglasnosti za ratificiranje Sporazuma o financiranju između Bosne i Hercegovine i Komisije Evropskih zajednica u vezi sa nacionalnim programom za 2007. godinu u sklopu instrumenta za pretpristupnu pomoć – *Komponenta za pomoć u tranziciji i izgradnji institucija*, (resorno ministarstvo: Ministarstvo financija i trezora BiH);
10. Informacija o susretu Komisije za vanjske poslove Predstavničkog doma Parlamentarne skupštine Bosne i Hercegovine sa Borisom Zalom, predsjednikom Odbora za vanjske poslove Parlamenta Republike Slovačke, održanog 2. 9. 2008. godine;
11. Zapisnik sa sastanka Komisije za vanjsku i trgovinsku politiku, carine, promet i veze Doma naroda i Komisije za vanjske poslove Predstavničkog doma Parlamentarne skupštine Bosne i Hercegovine sa novoimenovanim ambasadorima BiH, 02.09.2008.godine;
12. Zabilješka sa zajedničkog sastanka Komisije za vanjske poslove Zastupničkog doma Parlamentarne skupštine BiH i Komisije za vanjsku i trgovinsku politiku, carine, promet i veze Doma naroda Parlamentarne skupštine BiH sa novoimenovanim veleposlanicima Bosne i Hercegovine 11.09.2008.godine;
13. Informacija Ministarstva vanjskih poslova BiH o zaključcima Predsjedništva EU sa vanredne sjednice Evropskog vijeća održane u Briselu 01.09.2008.godine;
14. Informacija o dopisima upućenim Ministarstvu vanjskih poslova BiH u vezi sa inicijativama za posjete Komisije za vanjske poslove Predstavničkog doma PSBiH drugim parlamentima, kao i posjeta vanjskopolitičkih odbora drugih zemalja Bosni i Hercegovini;
15. Tekuća pitanja
 - obavještenje sekretara Komisije o zahtjevu za dodjeljivanje fax aparata za potrebe Komisije;

Sporazumi naknadno uvršteni u dnevni red 32. sjednice;

16. Davanje mišljenja o suglasnosti za ratificiranje Sporazuma o zajmu, financiranju i projektu između KfW Frankfurt na Majni i Bosne i Hercegovine, Federacije Bosne i Hercegovine i Elektroprivrede Hrvatske zajednice Herceg Bosne (EP HZHB)-*Obnova Hidroelektrane Rama*, (resorno ministarstvo: Ministarstvo financija i trezora BiH);
17. Davanje mišljenja o suglasnosti za ratificiranje Sporazuma o izmjenama i dopunama broj 1 na ugovor o zajmu od 01. avgusta 2006. godine između Bosne i Hercegovine i Evropske banke za obnovu i razvoj – *Projekat upravljanja vazдушnim saobraćajem*, (resorno ministarstvo: Ministarstvo financija i trezora BiH).

Ad. 1. Usvajanje Zapisnika sa 31. sjednice Komisije;

Zapisnik je usvojen jednoglasno i bez rasprave.

Ad. 2. Davanje mišljenja o suglasnosti za ratificiranje Sporazuma između Bosne i Hercegovine i Kraljevine Danske o olakšicama kod izdavanja viza,(resorno ministarstvo: Ministarstvo sigurnosti BiH);

Predsjedavajući Komisije je na početku, obzirom da se i u trećoj tački dnevnog reda radi o istom sporazumu samo u ovom slučaju sa Norveškom, zamolio predstavnicu resornog ministarstva da ujedno da osvrt o obje tačke.

Janja Kožul, predstavnica Ministarstva sigurnosti BiH je kazala da je Sporazum o olakšicama kod izdavanja viza sa Danskom potpisan 02.07. ove godine u Kopenhagenu i da se radi o istom sporazumu koji je već potpisan sa Evropskom Unijom ali budući da Danska ne sudjeluje u potpunosti zajedno sa EU u imigracijskoj politici, potpisan je zaseban sporazum, a u skladu sa zajedničkim odredbama. Isto tako, Sporazum sa Norveškom koja u principu nije članica Evropske Unije, ali u potpunosti sudjeluje u Šengen prostoru i Šengen pravilima Evropske Unije, je potpisan 22.07 2008.godine i isto kao sporazum koji je potpisan sa EU podrazumjeva iste kategorije i ista pravila za dobijanje viza za građane BiH. Ona je kazala da se uskoro očekuje potpisivanje istog sporazuma sa Švicarskom, takođe u skladu sa zajedničkim deklaracijama sa EU.

Budući da nije bilo rasprave članovi Komisije su jednoglasno dali suglasnost Predstavničkom Domu za ratificiranje Sporazuma iz tačaka 2. i 3. dnevnog reda.

Ad. 4. Davanje mišljenja o suglasnosti za ratificiranje Konvencija o pribavljanju u inozemstvu dokaza u građanskim i trgovačkim stvarima – Hag, 18.03.1970.godine (resorno ministarstvo: Ministarstvo pravde BiH);

Predsjedavajući Komisije je, s obzirom da je i tačka 5. izravno vezana za tačku 4. dnevnog reda zamolio predstavnika resornog ministarstva da ukratko kaže nešto o obje Konvencije. Emir Mehmedović iz Ministarstva pravde BiH je kazao da su obje Konvencije dio konvencija Haške konferencije iz međunarodnog privatnog prava. One obje u principu proširuju Hašku konvenciju o međunarodnom protokolu iz 1954.godine na način da malo detaljnije preciziraju i daju druge mogućnosti dostavljanja i pribavljanja akata. On je napomenuo da se ovdje radi samo o građanskim i trgovačkim stvarima. Isto tako je kazao da Haška konferencija ima 30 konvencija, a da je BiH do sada ratificirala samo njih 5 od kojih je jedna Statut.

Nije bilo rasprave i članovi Komisije su jednoglasno dali pozitivno mišljenje Predstavničkom domu u vezi sa ratificiranjem ovih konvencija.

Ad. 6. Davanje mišljenja o suglasnosti za ratificiranje Sporazuma između Bosne i Hercegovine koju predstavlja Ministarstvo civilnih poslova BiH i Komonvelta Australije koju predstavlja Ministarstvo zdravlja, vezano za određena prava korištenja AR–DRG sustava klasifikacije, (resorno ministarstvo: Ministarstvo civilnih poslova BiH);

Šerifa Godinjak je ispred Ministarstva civilnih poslova BiH kazala da je Sporazum potpisan 22.04. 2008.godine i on reguliše korištenje licenci čiji je vlasnik Komonvelt Australije a odnosi se na financiranje davalaca usluga zdravstvene zaštite. Projekat je realizovan u sklopu projekta Svjetske banke – podrška razvoju socijalnog sektora u BiH i doprinos za korišćenje ove licence je već uplaćen od strane BiH i kredita Svjetske Banke.

Nije bilo rasprave i članovi komisije su jednoglasno dali pozitivno mišljenje o suglasnosti za ratificiranje ovog sporazuma.

Ad. 7. Davanje mišljenja o suglasnosti za ratificiranje Sporazuma o financiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenata za prepristupnu pomoć – *Komponenta II prekogranična suradnja*, (resorno ministarstvo: Ministarstvo financija i trezora BiH);

Zbog neprisustvovanja predstavnika resornog ministarstva tačke 7,8,9 kao i tačke 15 i 16, a za koje je isto tako resorno Ministarstvo finansija i trezora BiH razmatrane su na kraju sjednice i to bez prisustva predstavnika resornog ministarstva.

Za sporazum iz tačke 7. dnevnog reda dato je pozitivno mišljenje sa 4 glasa za i jednim suzdržanim.

Za sporazum iz tačke 8. dnevnog reda dato je pozitivno mišljenje sa 4 glasa za i jednim suzdržanim.

Za sporazum iz tačke 9. dnevnog reda dato je pozitivno mišljenje sa 4 glasa za i jednim suzdržanim.

Ad. 16. Davanje mišljenja o suglasnosti za ratificiranje Sporazuma o zajmu, financiranju i projektu između KfW Frankfurt na Majni i Bosne i Hercegovine, Federacije Bosne i Hercegovine i Elektroprivrede Hrvatske zajednice Herceg Bosne (EP HZHB)-*Obnova Hidroelektrane Rama*, (resorno ministarstvo: Ministarstvo financija i trezora BiH);

Članovi Komisije su sa 3 glasa za i 2 suzdržana dali pozitivno mišljenje za ratificiranje ovog sporazuma.

Ad. 17. Davanje mišljenja o suglasnosti za ratificiranje Sporazuma o izmjenama i dopunama broj 1 na ugovor o zajmu od 01. avgusta 2006. godine između Bosne i Hercegovine i Evropske banke za obnovu i razvoj – *Projekat upravljanja vazдушnim saobraćajem*, (resorno ministarstvo: Ministarstvo financija i trezora BiH);

Članovi Komisije su sa 4 glasa za i jednim suzdržanim dali pozitivno mišljenje za ratificiranje ovog sporazuma.

Ad. 10. Informacija o susretu Komisije za vanjske poslove Predstavničkog doma Parlamentarne skupštine Bosne i Hercegovine sa Borisom Zalom, predsjednikom Odbora za vanjske poslove Parlamenta Republike Slovačke, održanog 2. 9. 2008. godine;

Ad. 11. Zapisnik sa sastanka Komisije za vanjsku i trgovinsku politiku, carine, promet i veze Doma naroda i Komisije za vanjske poslove Predstavničkog doma Parlamentarne skupštine Bosne i Hercegovine sa novoimenovanim ambasadorima BiH, 02.09.2008.godine;

Ad. 12. Zabilješka sa zajedničkog sastanka Komisije za vanjske poslove Zastupničkog doma Parlamentarne skupštine BiH i Komisije za vanjsku i trgovinsku politiku, carine, promet i veze Doma naroda Parlamentarne skupštine BiH sa novoimenovanim veleposlanicima Bosne i Hercegovine 11.09.2008.godine;

Ad. 13. Informacija Ministarstva vanjskih poslova BiH o zaključcima Predsjedništva EU sa vanredne sjednice Evropskog vijeća održane u Briselu 01.09.2008.godine;

Ad. 14. Informacija o dopisima upućenim Ministarstvu vanjskih poslova BiH u vezi sa inicijativama za posjete Komisije za vanjske poslove Predstavničkog doma PSBiH drugim parlamentima, kao i posjeta vanjskopolitičkih odbora drugih zemalja Bosni i Hercegovini;

Članovi komisije su primili k znanju informacije iz tački 10, 11, 12, 13 i 14 dnevnog reda.

Ad. 15. Tekuća pitanja;

Predsjedavajući Komisije je upoznao članove Komisije sa službenim pozivom predsjednika Odbora za vanjsku politiku Sabora Republike Hrvatske našoj Komisiji za posjetu Komisije Republici Hrvatskoj.

Članovi Komisije su upoznati sa informacijom o mogućnosti posjete Republici Estoniji.

Sjednica je završena u 9,50 sati.

Zapisnik sačinio:

Miroslav Stanišić, stručni saradnik u Komisiji za vanjske poslove

Sekretar Komisije

Merdžana Iglica

Predsjedavajući Komisije

Slavko Matić